

DEN AMBIENTE

D2U 365 BRASSBAND INDISCUTIBLEMENTE BRASSBAND DI AÑA PA DI TRES AÑA CONSECUTIVO...



**** E incansable manager Pilili Croes sumamente satisfecho cu e triunfo un biaha mas como Brassband di aña..**

**** Pa di tres aña consecutivo e orguyonan di Aruba su embahadornan cultural di e ritmo ASEMBEHO, esta D2U 365 BRASSBAND a logra di conquista e premio maximo di BRASSBAND DI CARNAVAL 43. Apesar cu D2U 365 e aña aki no por a participa durante henter temporada di carnaval, debi cu nan a bay representa Aruba grandiosamente na New Orleans, toch nan a sa di sobresali y destaca durante e dos paradanan mas principal, na unda un henter pueblo di Aruba tabata testigo di nan caliber y nivel. E aña integrantenan di D2U 365 a baha pisa den carnaval cu nan uniform estilo africano sumamente bunita y unico y tambe loke a hasi un impacto ta nan sistema di areglo cu a cay na agrado di un i tur. Tambe pa prome biaha a ser introduci e sussofon toca pa e maestro trombonista Steve Gibbs. D2U 365 kier a gradici henter pueblo di Aruba cu un biaha mas a sa di aceptanan masalmente y tambe na Eugene y Eugenito Lacle di Pueblo Foodcenter pa e tremendo sosten. E premio aki lo ser dedica na Dennis Croes kende ta sufriendo di un quebrante di salud.**




**** D2U 365 BRASSBAND DI AÑA riba un rust despues di e parada grandi na playa..**



**** Asina aki e publico carnavalesco tabata ricibi e indiscutiblanan di D2U 365 durante e parada..**

BASIC ONE Y DUSHI BAND A COOPERA CU CARNAVAL GRANDIOSAMENTE..



**** Sin duda mester duna palabranan di elogio y credito pa e popular grupo di rap BASIC ONE y tambe na DUSHI BAND, kendenan e aña aki a sa di coopera cu nos carnaval, deleitando e gran masa durante siete parada como e ultimo banda musical. Segun DEN AMBIENTE ta na altura cu mirando e suma cu nan a cobra y kitando nan gastonan di trailer y sonido, locual a sobra por ser considera cu nan presentacionnan tabata un gesto na e pueblo carnavalesco. Esaki sigur ta algo di aprecia y ohala cu esaki por sigui continua den futuro pa asina tambe alivia e situacion financiero di SAC. Riba fotonan adhunto por aprecia integrantenan di BASIC ONE kendenan hunto cu DUSHI BAND causando furor durante parada di macha, na unda agentenan policial tabata presente pa pone tur cos netchie na orde..**